



Sud Bosne i Hercegovine
Суд Босне и Херцеговине

Broj: S1 3 Iž 037755 20 Iž
Sarajevo; 20.10.2020.godine

Sud Bosne i Hercegovine, u drugostepenom vijeću sastavljenom od sudija Mirsade Džindo kao predsjednika vijeća, Dinke Bešlagić-Čovrk i Vesne Trifunović kao članova vijeća, odlučujući o žalbi Čestić Maline, Nikole Pašića 6/5 stan 26,31000 Užice Republika Srbija, izjavljenoj protiv Odluke Centralne izborne komisije Bosne i Hercegovine broj 05-1-07-1-998/20 od 01.10.2020. godine za Lokalne izbore 2020. godine, u nejavnoj sjednici, održanoj dana 20.10.2020. godine, donio je

R J E Š E N J E

Žalba se odbija.

O b r a z l o Ź e n j e

Odlukom Centralne izborne komisije Bosne i Hercegovine broj 05-1-07-1-998/20 od 01.10.2020. godine odbijen je upis u izvod iz Centralnog biračkog spiska za glasanje izvan BiH, za Lokalne izbore 2020. godine. Sastavni dio odluke je tabela sa imenima odbijenih birača za upis u izvod.

S obzirom da nije prihvaćena prijava za upis u izvod iz Centralnog biračkog spiska za glasanje izvan BiH, Čestić Malina je uložila žalbu navodeći da je podnijela urednu prijavu za glasanje putem pošte, na adresi Nikole Pašića 6/5 stan 26,31000 Užice Republika Srbija, međutim njena prijava nije uredno obrađena.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbije kao neosnovna navodeći da je odbila upis u izvod iz Centralnog biračkog spiska za glasanje izvan BiH po prijavi Čestić Maline, s obzirom da su za podnosioca žalbe dostavljene dvije prijave u kojima su navedene različite adrese na koje će biti upućen glasački materijal, te da imenovani nije dostavio traženu Potvrdu nadležnog organa o prebivalištu/boravištu izvan BiH, iz čega proizilazi da se radi o zloupotrebama biračkog prava.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da žalba nije osnovana.

Tačna adresa stanovanja državljanina BiH koji privremeneo živi u inostranstvu, ima biračko pravo i upisan je u Centralni birački spisak, predstavlja obavezni element prijave propisan članom 3.15 stav 1 Izbornog zakona (Sl. glasnik BiH br.23/01 sa izmjenama). Državljanin BiH je shodno članu 3.16. stav 1 citiranog zakona obavezan CIK obavjestiti o promjeni podataka koje je predhodno dostavio i to do isteka roka utvrđeno za podnošenje prijave za glasanje van BiH.

U konkretnom slučaju prijave za glasanje morale su biti dostavljene do 01.09.2020. godine, sa kojim danom je žalitelj dostavio više prijava, odnosno tri prijave i to prvu prijavu je navedena adresa Nikole Pašića 6/5, 31000 Užice, Srbija, dok je u drugoj prijavi navedena Branka Radičevića 24, 22300 Stara Pazova, Srbija.

Odredbom člana 3.15 Izbornog zakona propisano je da državljanin BiH koji živi u inostranstvu, a koji ima biračko pravo u skladu sa ovim zakonom i upisan je u Centralni birački spisak, da bi se nalazio u izvodu iz Centralnog biračkog spiska za glasanje van BiH, dužan je podnijeti prijavu Centralnoj izbornoj komisiji BiH prije roka koji utvrdi CIK BiH u periodu prije raspisivanja izbora. Osim prijave koju potpisuje dužan je priložiti i dokaz o identitetu podnosioca prijave i tačnoj adresi u inostranstvu.

Pravilan zaključak CIK-a BiH da se druga prijava njeu mogla smatrati obaviješću o promjeni podataka iz člana 3.16 stav (1) Izbornog zakona BiH, pa kako nije bilo moguće utvrditi koja od podnesenih prijava je vjerodostojna, što je žalitelj bio dužan dokazati u skladu sa članom 3.15 stav (1) i (7) Izbornog zakona BiH. Bez dostavljene Potvrde nadležnog organa o prebivalištu/boravištu izvan BiH, pravilan je zaključak CIK BiH da se radi o zloupotrebi biračkog prava. Osim toga žalitelju nije oduzeto biračko pravo za Lokalne izbore 2020. godine da glasa na redovnom biračkom mjestu u opštini u kojoj ima prijavljeno prebivalište u Bosni i Hercegovini.

Na ovaj način pravilno su utvrđene relevente činjenice i pravilno primjenjene odredbe materijalnog prava.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita a žalba neosnovana pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

**PREDSJEDNIK VIJEĆA
SUDIJA
Mirsada Džindo**